

**ՄԵՐ ԶԱՅՐԵՐՈՒՆ ԽՐԱՏՆԵՐԸ**

**ԴԺՈՒԱՐԻՆ ՊԱՀԵՐՈՒՆ ՏԷՐԸ  
ԶՕՐԱՎԻԳ Է ՄԵԶԻ**

Երբ Յիսուս ինք ըլլայ առաքելութեամբ մը մեզ տեղ մը զրկողը չի նշանակեր, որ ղժուարութեանց պիտի չհանդիպինք: Յիսուս ինքն էր, որ «ստիպեց որ աշակերտները նաևակ ելլեն եւ իրմէ առաջ երթան լիճին միւս կողմը» (Մտթ. 14:22): Հակառակ ասոր, աշակերտները փոթորիկի բռնուեցան: Երբ կը զրկուինք Տիրոջ կողմէ բնական է, որ ակնկալենք՝ թէ ամէն ինչ յաջող եւ հեզասահ ընթանայ, բայց շուտով կը նշմարենք, որ Տիրոջ կամքը ընելու համար նո՛յնքան ղժուարութիւններու կը բախինք որքան պիտի բախէինք մեր սեփական կամքը ընելու համար: Տարբերութիւնը սակայն մեծ է: Եթէ Տիրոջ կամքը կատարելու համար ղժուարութեան բախինք, կը վայելենք Տիրոջ զօրակցութիւնը, իսկ եթէ մեր կամքը կատարելու համար ղժուարութեան բախինք, առանձին ենք:

**ՄԻԱՄՆԱԲԱՐ ԱՂՕԹԵՆՔ**

Արդարութեան Արեգակ, փրկիչ իմ եւ ազատիչ Յիսուս Քրիստոս, Քու լոյսիդ կ'ապաւինիմ, լուսաւորե՛ ու ջերմացո՛ւր սիրտս: Հրկիզե՛ իմ չար խորհուրդներս եւ հալեցո՛ւր մեղքերուս սառնամանիքը: Գարո՛ւն շնորհե՛, Տէ՛ր որ [ան] ծաղկի եւ պտղաբերե՛ արդարութեան պտուղը:

Եփրեմ Ասորի Հայրապետ

**ՅԱՅՏԱՐԱՐՈՒԹԻՒՆ**

**ՅԱՅՏԱՐԱՐՈՒԹԻՒՆ  
ԵՐԵՔՇԱԲԹԻ ԳԻՇԵՐՈՒԱՆ  
ՍՈՒՐԲ ՊԱՏԱՐԱԳ ԵՒ  
ՀԱՅ ՔՐԻՍՏՈՆԷԱԿԱՆ ԿԵԱՆՔԻ  
ՔՆՆԱՐԿՈՒՄ**

Կազմակերպութեամբ կրօնական ժողովին եւ Ազգային առաջնորդարանի «ԱՅՈ» երիտասարդական յանձնախումբին, ամէն երեքշաբթի գիշեր, ժամը 7:00-8:00, Պուրճ Համուտի Ս. Վարդանանց եկեղեցոյ մէջ, սուրբ պատարագ պիտի մատուցուի:

Սուրբ պատարագը պիտի երգէ հաւատացեալ ժողովուրդը: Հոգեւոր խորհրդածութիւն պիտի կատարէ Լիբանանի Հայոց առաջնորդ՝ Գերշ. Տ. Նարեկ Արքեպիսկոպոս:

Նաեւ, ամէն երեքշաբթի գիշեր, ժամը 8:00-9:00, Ազգային առաջնորդարանի «Երջօ Սամուէլեան – Եռագոյն» սրահին մէջ, Արժ. Տ. Ղեւոնդ քհն. Լոյսածեան Աստուածաշունչի սերտողութիւն պիտի կատարէ մեր ժողովուրդի գաւազներուն համար:

Սիրելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

**ՅԱՍՅԷ.**

ՃՐԱԳ ԸԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud,  
P.O.Box 80810 - Tel/Fax:01-258300 – facebook-ի էջ jerak Ծրագր թերթ



ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ



ՔՈՒ ԽՕՍԲԴ ԽՍ ՈՅԲԵՐՈՒՄ ԵՐԱԳ Է ՈՒ ԽՍ ԵԱԻՄՆԵՐՈՒՄ ԼՈՅՍ (Ս. 119.105)

ԺԲ. ՏԱՐԻ

ԿԻՐԱԿԻ, 27 ՀՈԿՏԵՄԲԵՐ 2019

ԹԻԻ 43

ԿԻՐԱԿԻ ՕՐԵՐՈՒ ԱՍՏՈՒԱԾԱՇՆՉԱԿԱՆ ԸՆԹԵՐՑՈՒՄՆԵՐ  
Իմաստ. 14.1-18: Ես. 33.22-34.1: Ա. Կր. 1.18-24:  
ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԸ ԸՍՏ ՄԱՏԹԷՈՍԻ 24.27-36

**ԳԻՏ ԽԱՉԻ**

**ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԸ  
ԸՍՏ ՄԱՏԹԷՈՍԻ  
24.27-36**

Մարդու Որդին պիտի գայ կայծակի նման, որ երբ փայլատակէ, կը լուսաւորէ ամբողջ երկնակամարը արեւելքէն՝ արեւմուտք: Արծիւները կը հաւաքուին հոն, ուր դիակ կայ:

Նեղութեան այդ օրերէն անմիջապէս ետք արեւը պիտի խաւարի եւ լուսինը այլեւս պիտի չփայլի. երկինքէն աստղերը պիտի իյնան եւ երկնային մարմինները պիտի սասանին: Ահա մարդու Որդին նշանը պիտի երեւի երկինքի մէջ եւ աշխարհի բոլոր ժողովուրդները պիտի ողբան, երբ տեսնեն մարդու Որդին, որ կու գայ երկինքի ամպերուն վրայ բազմած՝ զօրութեամբ եւ մեծ փառքով: Երբ մեծածայն փողը հնչէ, ան իր հրեշտակները պիտի դրկէ, որպէսզի հաւաքեն իր ընտրեալները աշխարհի չորս կողմերէն, երկինքի մէկ ծայրէն մինչեւ՝ միւսը: Թ՛գեմին թող ձեզի օրինակ ըլլայ: Երբ տեսնէք, որ անոր ճիւղերը կը կակուղնան եւ տերեւ կ'արձակեն գիտէք, թէ ամառը մօտ է: Նոյնպէս ալ, երբ բոլոր ըսածներս կատարուին, գիտցէք, թէ մարդու Որդին գալուատը մօտ է: Վստահ եղէ՛ք, որ այս սերունդը չանցած՝ ասոնք բոլորը պիտի պատահին: Նոյնիսկ եթէ երկինքն ու երկիրը անհետանան, խօսքերս պիտի չ'անհետանան:

Սակայն ո՛չ որ գիտէ, թէ ե՛րբ պիտի գայ այդ օրը կամ ժամը. ո՛չ երկինքի հրեշտակները, ո՛չ իսկ Որդին, բայց՝ միայն Հայրը:

«Քրիստոսի հետ խաչին վրայ մեռայ եւ այլեւս կենդանի եմ: Ես չէ, որ կ'ապրիմ, այլ՝ Քրիստոս է, որ կ'ապրի իմ մէջ» (Գաղատացիներու 2:20): Քրիստոս յաւիտեական կեանքի դուռը բացու մեր առջեւ իր մահուամբ խաչին վրայ: Առանց մեր Տիրոջ մահուան ու յարութեան, մենք պիտի չկարենայինք յարութիւն առնել դէպի նոր կեանք եւ նոր կեանքին համար: Քրիստոսի յարութեան օրինակը մեր վրայ առնելու համար, բացարձակ պայման է անոր մահուան օրինակը նաեւ առնելու մեր վրայ: «Քրիստոսի հետ խաչին վրայ» չմեռնողը, Քրիստոսով ու Քրիստոսի համար յարութիւն չի կրնար առնել: Սիրելի՛ ընթերցող, դուն մեռա՞ծ ես աշխարհի համար: Մեղուցա՞ծ ես խաչին վրայ մարմնիդ իր բոլոր ցանկութիւններով: Եթէ մեղուցած ես, ուրեմն, «Քրիստոս է որ կ'ապրի» մէջդ:

**ՄԱՐԳԱՐԵԱԿԱՆ ԳԻՐՔԵՐ**  
**ՊՕԴՈՍ ԱՌԱՔԵԱԼԻ ՆԱՄԱԿՆԵՐ**

**ԻՄԱՍՏՈՒԹԵԱՆ ԳԻՐՔԷՆ**  
**14.1-8**

Ուրիշ մը, որ ամեհի ալիքներու ընդմէջէն նաւով ցամբորդելու կը պատարասուի, փայտէ կուտփի մը կ'աղօթէ, փոխանակ վստահելու գինձ փոխադրող նաւուն, որ թէեւ շահու համար հնարած է եւ ցարտար արհեստաւորի ձեռքով շինուած, սակայն դո՛ւն ես, ո՛վ Հայր, որ քու տեսչութեամբդ գայն կը վարես. դո՛ւն ես որ ծովուն մէջ ցամբայ կը բանաս եւ ալիքներուն մէջ՝ ապահով շաւիղ եւ ատով իսկ ցոյց կու տաս, թէ ամէն վտանգէ կրնաս փրկել, նոյնիսկ եթէ անփորձ ըլլայ դեկի գլուխ կանգնողը:

Բայց քու կամֆդ է՝ որ իմաստուն ստեղծագործութիւնդ մարդոց ծառայէ: Ահա թէ ինչո՛ւ մարդիկ իրենց կեանքերը կը վստահին ամենափոքր փայտին, եւ նոյնիսկ լաստով մը ալիքները նեղֆելով ողջ առողջ տեղ կը հասնին:

Արդարեւ, ջրհեղեղի ատեն ալ, երբ ամբարտաւան հսկաները կորուստի մատնեցիր, Նոյ՝ աշխարհի յոյսը, լաստափայտին ապաւինեցաւ եւ քու ձեռքովդ առաջնորդուեցաւ, աշխարհի մէջ մարդկային սերունդը ապահովելու համար:

Հետեւաբար օրհնեալ է այն փայտը, որ արդարութեան պատճառ կ'ըլլայ. բայց անիծեալ են թէ՛ ձեռագործ կուտփը եւ թէ՛ գայն շինողը, մէկը՝ գայն շինելու համար, իսկ փուն փայտը՝ Աստուած կոչուելուն համար:

**ՊՕԴՈՍ ԱՌԱՔԵԱԼԻ ԱՌԱՋԻՆ**  
**ՆԱՄԱԿԷՆ**  
**ԿՈՐՆԹԱՑԻՆԵՐՈՒՆ**  
**1.18-24**

Խաչելութեան մասին խօսելը յիմարութիւն կը թուի կորսուողներուն համար, մինչ մեզի՝ փրկութեան դիմողներու համար Աստուծոյ գորութիւնն է անիկա: Արդարեւ մարգարէութեան մէջ գրուած է. *«Իմաստուններուն իմաստութիւնը պիտի խափանեմ, խելացիներու խելքը պիտի կորսնցնեմ»*: Այն ատեն, ո՞ւր պիտի մնան իմաստունները կամ ուսելիները եւ կամ այս աշխարհի հարցերը ճննող ցարտասանները: Զե՞ որ Աստուած ցոյց տուաւ, թէ այս աշխարհի իմաստութիւնը յիմարութիւն է: Որովհետեւ աշխարհը իր ունեցած իմաստութեամբ չկրցաւ քանչեւ զԱստուած եւ անոր իմաստութիւնը, Աստուած ուզեց յիմարութիւն համարուած խաչին փարոգութեամբ փրկել հաւատացողները: Եւ քանի որ հրեաներ հրաշք կ'ուզեն, իսկ յոյներ իմաստութիւն կը փնտռեն, մենք խաչուած Քրիստոսը կը փարոգենք, որ գայթակղութիւն է հրեաներուն համար եւ յիմարութիւն՝ հեթանոսներուն համար, թէեւ նոյն այդ հրեաներէն եւ յոյներէն կանչուածները եւ դարձի եկածները Քրիստոսը կ'ընդունին որպէս Աստուծոյ գորութիւնը եւ Աստուծոյ իմաստութիւնը:

**Շարունակել Պօղոս առաքեալի**  
**նամակը կարդալ**  
**Աստուածաշունչէն**

**ՍՈՒՐԲԵՐ ԵՒ ՏՕՆԵՐ**

**ԳԻՒՏ ԽԱՉ**



Քրիստոնէական տօներուն մէջ յատուկ տեղ կը գրաւէ գիւտ խաչի տօնը: 313 թուին, Միլանոյի հրովարտակով, երբ քրիստոնէաներուն արտօնուեցաւ ազատօրէն պաշտել նոր կրօնը՝ քրիստոնէութիւնը, Երուսաղէմը դարձաւ քրիստոնէաներուն ուխտավայրը: Աշխարհի չորս կողմէն քրիստոնէաներ ուխտի կ'երթային Երուսաղէմ:

327 թուականին, այս ուխտաւորներուն մէջն էր նաեւ Կոստանդիանոս Կայսեր մայրը՝ Հեղինէ թագուհին: Ան կ'ուզէր գտնել Յիսուսի խաչափայտը, որ կորսուած էր: Ուստի ան բարձրացաւ Գողգոթա լեռը: Այդ ժամանակ Գողգոթան կը գործածուէր իբրեւ աղբատեղի: Հեղինէ թագուհին պեղել տուաւ այն տեղը, ուր կ'ենթադրէին գտնել Յիսուսի խաչափայտը: Անոր ենթադրութիւնը ճիշդ դուրս եկաւ եւ փորուած տեղէն ի յայտ եկան երեք խաչափայտեր:

Գիտնալու համար, թէ ո՞րն է Յիսուսի խաչափայտը, իւրաքանչիւրը առանձնաբար դրին մեռած մանուկի մը դիակին վրայ: Երբ Յիսուսի խաչափայտը մօտեցուցին մանուկին, ան յարութիւն առաւ: Այսպիսով գիտցան Յիսուսի խաչափայտը, որ հետագային փոքր մասերու վերածելով բաժնեցին եկեղեցիներուն:

Մեր եկեղեցին այս տօնը կը յիշատակէ Խաչվերացի եօթներորդ Կիրակին, այսինքն՝ Հոկտեմբեր 23-էն 29-ի միջեւ:

Այս տարի, Մեր եկեղեցոյ տօնացոյցին համաձայն Գիւտ Խաչի տօնը կը զուգադիպի Կիրակի՝ 27 Հոկտեմբերին:

Կրնա՞ք մեզի բացատրել հայկական Խաչի ձեւին մասին

*Այո, Հայկական Խաչը միշտ դատարկ կը ներկայացուի եւ անոր վրայ չենք հանդիպիր խաչուած Քրիստոսին: Ինչո՞ւ: Որովհետեւ այդպիսով մարդիկ ուզած են խորհրդանշել Քրիստոսի յաղթանակը մահուան առջեւ:*

*Հայկական խաչերը երբեմն կը ներկայացուին զարդարուած, խաղաղ, տեղեւորներով եւ ցորենի հասկերով: Ասոնք կը խորհրդանշեն կեանքը, որ ծնունդ կ'առնէ խաչէն, որ այլապէս մահուան ծառայող գործիք մըն էր:*

**ԱՂՕԹՔ**

Քու խաչդ թող մեզի ապաւեն ըլլայ, Տէ՛ր Յիսուս, երբ Հօրը փառքով երեւիս՝ լուսաւոր ամպերու վրայ: Այն ատեն թող ամօթով չմնանք մենք՝ քեզի յուսացողներս, այլ՝ քու մեծ գորութեամբդ ուրախանանք՝ քու աչ կողմդ բազմած, իբրեւ լոյսի որդիներ եւ փրկութեան ժառանգորդներ: